


外集
一賦詩

^ 16
3061
13



門 16
號 3061
卷 13

早稻田大學圖書館
昭和 35.10.17 購入
藏書

陽明先生外錄卷

王友成公全書卷之十九

外集一賦詩

賦

七首

太白樓賦

丙辰

歲丙辰之孟冬兮。泛扁舟予南征。凌濟川之驚濤兮。覽

層構乎任城日。太白之故居兮。儼高風之猶在。蔡侯導

余以從陟兮。將放觀乎四海。木蕭蕭而亂下兮。江浩浩

而無窮。鯨敖敖而湧海兮。鵬翼翼而承風。月生輝於采

石兮。日留景於嶽峰。蔽長煙乎天姥兮。渺匡廬之雲松。

全書卷之十九

外集一賦

一

慨昔人之安在兮。吾將上下求索而不可蹇。子雖非白
 之儔兮。遇季真之知我。菴後人之視今兮。又烏知其不
 果。吁嗟太白公奚為其居此兮。余奚為其復來。倚穹霄
 以流盼兮。固千載之一哀。昔夏桀之顛覆兮。尹退乎莘
 之野。成湯之立賢兮。迺登庸而伐夏。謂鼎俎其要說兮。
 維黨人之擠誦。曾聖哲之匡時兮。夫焉前枉而直後。當
 天寶之末代兮。淫好色以信讒。惡來妹喜其猖獗兮。眾
 皆狐媚以貪婪。判獨毅而不顧兮。爰命夫以僕妾之役。
 寧直死以顛領兮。夫焉患得而局促。開元之紹基兮。亦

遑遑其求理。生逢時以就列兮。固雲臺麟閣而容與。夫
 何漂泊于天之涯兮。登斯樓乎延佇。信流俗之嫉妬兮。
 自前世而固然。懷夫子之故都兮。沛余涕之浹浹。廟堂
 之偃蹇兮。或非情之所好。惟不合於斯世兮。恣沈酣而
 遠眺進。吾不遇於武丁兮。退吾將顏氏之簞瓢。奚麴蘖
 其昏迷兮。亦夫子之所逃。管仲之輔糾兮。孔聖與其改
 行。佐璘而失節兮。始以見道之未明。覩夜郎之有作兮。
 橫逸氣以徘徊。亦初心之無他兮。故雖悔而弗摧。吁嗟
 其誰無過兮。抗直氣之為難。輕萬乘於褐夫兮。固孟軻

之所嘆曠絕代而相感兮望天宇之漫漫去夫子其千
 祀兮世益隘以周容媒婦妾以馳驚兮又從而為之吮
 癰賢者化而改度兮競規曲以為同卒曰嶧山青兮河
 流瀉風颯颯兮澹平野憑高樓兮不見舟楫紛兮樓之
 下舟之人兮儼服亦有庶幾夫子之蹤者

九華山賦

王戊

循長江而南下指青陽以幽討啟鴻濛之神秀發九華
 之天巧非效靈於坤軸孰構奇於玄造涉五溪而徑入
 宿無相之窈窕訪王生於邃谷掬金沙之清潦凌風雨

乎半霄登望江而遠眺步千仞之蒼壁俯龍池於深窅
 弔謫仙之遺跡躋化城之縹緲欽鉢孟之朝露見蓮花
 之孤標扣雲門而望天柱列仙舞於晴昊儼雙椒之闢
 門真人駕陽雲而獨躋翠蓋平臨乎石照綺霞掩映乎
 天姥二神升於翠微九子鄰於積稻炎熯起於玉甌爛
 石碑之文藻回澄秋於枕月建少微之星旒覆甌承滴
 翠之餘瀝展旗立雲外之旌纛下安禪而步逍遙覽雙
 泉於松杪踰西洪而憩黃石懸百丈之瀨瀨瀨流觴而
 縈紆遺石船於澗道呼白鶴於雲峰釣嘉魚於龍沼倚

熯

透碧之峴岬。謝塵寰之紛擾。攀齊雲之巉削。鑑琉璃之
 浩漭。沿東陽而西。歷殫九節之蒲草。樵人導余以冥探。
 排碧雲之瑤島。羣巒翳其繆藹。失陰陽之昏曉。垂七布
 之沈沈。靈龜隱而復佻。履高僧而屣招賢。開白日之杲
 杲。試明茗於春陽。汲垂雲之淵湫。凌繡壁而據石屋。何
 文殊螺髻之蟠糾。梯拱辰而北盼。墮遺光於拾寶。緇裳
 迓於黃匏。休圓寂之幽俏。鳥呼春於叢篁。和雲韶之鷺
 鷺。喚起促余之晨興。落星河於簷椽。護山嘜其驚飛。惟
 遊人之太早。攬卉木之如濯。被晨暉而爭姣。靜鑿聲之

剝啄。幽人劓參蕨於冥杳。碧雞噉於青林。鵬翻雲而失
 皓。隱搗藥於樛蘿。挾提壺餅焦而翔繞。鳳凰承盃冠以
 相遺。飲沆瀣之仙醪。羞竹實以嬉翺。集梧枝之嫋嫋。嵐
 欲雨而霏霏。鳴濕濕於蘆葆。躡三遊而轉青峭。拂天香
 於茫渺。席泓潭以濯纓。浮桃瀉而揚縞。淙淅淅而落蔭。
 飲猿猱之捷狡。睨斧柯而昇大。還望會仙於雲表。憫子
 京之故宅。款知微之碧桃。倏金光之閃映。曉累景於穹
 均。弄玄珠於赤水。舞千尺之潛蛟。並花塘而峻極。散香
 林之迴颺。撫浮屠之突兀。泛五釵之翠濤。襲瓊芳於絕

款

嘯。裊金步之搖搖。莎羅躑躅芬敷而燦耀。幢玉女之妖
 嬌。攀龍鬚於靈寶。墮鉢囊之飄颻。開仙掌於嶽嵌。散青
 馨之迢迢。披白雲而蹠崇壽。見參錯之僧寮。日既夕而
 山冥。掛星辰於窿嶽。宿南臺之明月。虎夜嘯而羆皞。鹿
 麋羣遊於左右。若將侶幽人之岑寥。迥高寒其無寐。聞
 冰壑之洞簫。溪女厲晴瀧而曝木。雜精苓之春苗。邀予
 觴以玉液。飯玉粒之瓊瑤。溘辭予而遠去。颯霞裾之飄
 飄。復中峰而悵望。或仙蹤之可招。迺下見陽陵之蜿蜒。
 忽有感於子明之宿要。逝予將遺世而獨立。採石芝於

層霄。雖長處於窮僻。迺永離乎厖囂。彼蒼黎之緝緝。固
 吾生之同胞。苟顛連之能濟。吾豈靳於一毛。矧狂胡之
 越獫。王師局而奔勞。吾寧不欲請長纓於闕下。快平生
 之鬱陶。顧力微而任重。懼覆敗於或遭。又出位以圖遠。
 將無誚於鷓鴣。嗟有生之迫隘。等滅沒於風泡。亦富貴
 其奚為。猶榮薺之一朝。曠百世而興感。蔽雄傑於蓬蒿。
 吾誠不能同草木而腐朽。又何避乎羣喙之嗷嗷。已矣
 乎。吾其鞭風霆而騎日月。被九霞之翠袍。搏鵬翼於北
 溟。釣三山之巨鰲。道崑崙而息駕。聽王母之雲璈。呼浮

丘於子晉招句曲之三茅長遨遊於碧落共太虛而逍
 遙亂曰蓬壺之藐藐兮列仙之所逃兮九華之矯矯兮
 吾將於此巢兮匪塵心之足攬兮念鞠育之劬勞兮苟
 初心之可紹兮永矢弗撓兮

弔屈平賦 丙寅

正德丙寅某以罪謫貴陽取道沅湘感屈原之
 事為文而弔之其詞曰

山黯慘兮江夜波風颼颼兮木落森柯汎中流兮焉泊
 湛椒醕兮弔湘纍雲冥冥兮月星蔽晦冰凌嶮兮霰又

下纍之宮兮安在悵無見兮愁予高岍兮嶽崎紛糾錯
 兮樛枝下深淵兮不測穴澗洞兮蛟螭山岑兮無極空
 谷谿訝兮迥寥寂猿啾啾兮吟雨熊羆嗥兮虎交蹟念
 纍之窮兮焉託處四山無人兮駭狐鼠魍魅遊兮羣跳
 嘯瞰出入兮為纍姦宄嫉纍正直兮反詆為殃昵比上
 官兮子蘭為臧幽叢薄兮疇侶懷故都兮增傷望九疑
 兮參差就重華兮陳辭沮積雪兮礪道絕洞庭渺邈兮
 天路迷要彭咸兮江潭召申屠兮使驂娥鼓瑟兮馮夷
 舞聊遨遊兮湘之浦乘回波兮泊蘭渚睠故都兮獨延

浦字校裂

三漫漶

仁君不還兮郢為墟。心壹鬱兮欲誰語。郢為墟兮函崕
亦焚。讒鬼逋戮兮快不酬。冤歷千載兮耿忠愍。君可復
兮排帝閭。望遁跡兮渭陽。箕羅囚兮其佯以狂。艱貞兮
晦明。懷若人兮將予退藏。宗國淪兮摧肺腑。忠憤激兮
中道難。勉低回兮不忍。溘自沈兮心所安。雄之謾兮讒
喙眾。狂穉兮謂纍揚已。為魑為魅兮為讒媵。妾纍視若
鼠兮。佞頽有泚。纍忽舉兮雲中。龍赫晦霽兮颶風橫。四
海兮倏忽。駟玉虵兮上衝。降望兮大壑。山川蕭條兮泮
寥廓。逝遠去兮無窮。懷故都兮蝻局。亂日。日西夕兮沉

穎 釋

湘流。楚山嵯峨兮無冬秋。曩不見兮涕泗。世愈隘兮孰
知我憂。

思歸軒賦 庚辰

陽明子之官于虔也。解之後喬木蔚然。退食而望。若處
深麓而遊於其鄉之園也。構軒其下。而名之曰思歸焉。
門人相謂曰。歸乎。夫子之役役於兵革。而沒沒於微纒
也。而靡寒暑焉。而靡昏朝焉。而髮蕭蕭焉。而色焦焦焉。
雖其心之固囂囂也。而不免於嗶嗶焉。嗶嗶焉。亦奚為
乎。槁中竭外。而徒以勞勞焉。為乎哉。且長谷之迢迢也。

窮林之寥寥也。而耕焉而樵焉。亦焉往而弗宜矣。夫退身以全節。大知也。斂德以亨道。大時也。怡神養性。以遊於造物。大熙也。又夫子之夙期也。而今日之歸。又奚以思為乎哉。則又相謂曰。夫子之思歸也。其亦在陳之懷歟。吾黨之小子。其狂且簡。俛俛然若瞽之無與偕也。非吾夫子之歸。孰從而裁之乎。則又相謂曰。嗟乎。夫子而得其歸也。斯土之人。為失其歸矣乎。天下之大也。而皆若是焉。其誰與為理乎。雖然。夫子而得其歸也。而後得於道。惟夫天下之不得於道也。故若是其貿貿夫。道得

而志全。志全而化理。化理而人安。則夫斯人之徒。亦未始為不得其歸也。而今日之歸。又奚疑乎。而奚以思為乎。陽明子聞之。憮然而歎曰。吾思乎。吾思乎。吾親老矣。而暇以他為乎。雖然。之言也。其始也。吾私焉。其次也。吾資焉。又其次也。吾幾焉。乃援琴而歌之。歌曰。歸兮歸兮。又奚疑兮。吾行日非兮。吾親日衰兮。胡不然兮。日思子旋兮。後悔可遷兮。歸兮歸兮。二三子之言兮。

啓言

丙寅

正德丙寅冬十一月。守仁以罪下錦衣獄。省愆

內訟時有所述既出而錄之

何玄夜之漫漫兮。悄子懷之獨結。嚴霜下而增寒兮。皦
 明月之在隙。風吹吹以憎木兮。鳥驚呼而未息。魂營營
 以愴恍兮。目眇眇其焉極。懍寒飈之中人兮。杳不知其
 所自。夜展轉而九起兮。沾子襟之如泗。胡定省之弗遑
 兮。豈茶甘之如薺。懷前哲之耿光兮。耻周容以為比。何
 天高之冥冥兮。孰察子之衷。子匪戚於累囚兮。特匪子
 之為恫。沛洪波之浩浩兮。造雲阪之濛濛。稅子駕其安
 止兮。終子去此其焉從。孰瘳瘳之在頸兮。謂累足之何

傷熏日而弗顧兮。惟盲者以為常。孔訓之服膺兮。惡訐
 以為直辭。婉變期巷遇兮。豈予言之未力。皇天之無私
 兮。鑒予情之靡他。寧保身之弗知兮。膺斧鑕之謂何。蒙
 出位之為愆兮。信愚忠而蹈亟。苟聖明之有禪兮。雖
 九死其焉恤。亂曰。子年將中。歲月邁兮。深谷崆峒。逝息
 遊兮。飄然凌風。八極周兮。孰樂之同。不均憂兮。匪修名
 崇仁之求兮。出處時從。天命何憂兮。
 聖聞守儉弟歸。曰仁歌楚聲為別。子亦和之。
 庭有竹兮青青。上喬木兮鳥嚶嚶。妹之來兮。弟與偕行。

不收載

竹青青兮雨風鳥嚶嚶兮西東弟之歸兮兄誰與同江
 雲閣兮暑雨江波渺渺兮愁子弟別兄兮須臾兄思弟
 兮何處景翳翳兮桑榆念重闈兮離居路修遠兮崎嶇
 沮風波兮江湖山有洞兮洞有雲深林窅窅兮澗道曠
 松落落兮葛纍纍猿啾啾兮鶴怨羣山之人兮不歸山
 鬼晝嘯兮上下煙霏風嫋嫋兮桂花落草萋萋兮春日
 遲葺子屋兮雲閒荒子圃兮溪之陽驅虎豹兮無踐我
 藿擾麋鹿兮無駭我場解子綬兮鍾阜委子佩兮江湄
 往者不可追兮歎鳳德之日衰將汨溺其耦耕兮孰接

輿之避子回子駕兮扶桑鼓子柅兮滄浪終攜汝兮空
 谷採三秀兮徜徉

携

山祈雨辭

正德丙子
南贛作

嗚呼十日不雨兮田且無禾一月不雨兮川且無波一
 月不雨兮民已為疴再月不雨兮民將柰何小民無罪
 兮天無咎民撫巡失職兮罪在子臣嗚呼盜賊兮為民
 大屯天或罪此兮赫威降嘖民則何罪兮玉石俱焚嗚
 呼民則何罪兮天何遽怒油然興雲兮雨茲下土彼罪
 曷逋兮哀此窮苦

弘治十五年先生三十
一歲

歸越詩三十五首

弘治壬戌年以刑部主事錄囚江南因事告病歸越并楚遊作

遊牛峰寺四首

牛峰今改名浮峰

洞門春靄蔽深松。飛磴纏空轉石峰。猛虎踞厓如出柙。斷螭蟠頂訝懸鐘。金城絳闕應無處。翠壁丹書尙有踪。天下名區皆一到。此山殊不厭來重。
縈紆鳥道入雲松。下數湖南百二峰。巖犬吠人時出樹。山僧迎客自鳴鐘。凌飈陟險眞扶病。異日探奇是舊踪。欲扣靈關問丹訣。春風蘿薜隔重重。
偶尋春寺入層峰。曾到渾疑是夢中。飛鳥去邊懸棧道。

馮夷宿處有幽宮。溪雲晚度千巖雨。海月涼飄萬里風。

夜擁蒼厓卧丹洞。山中亦自有王公。

一卧禪房隔茂心。五峰煙月聽猿吟。飛湍映樹懸蒼玉。香粉吹香落細金。翠壁年多霜蘚合。石牀春盡雨花深。勝遊過眼俱陳迹。珍重新題滿竹林。

又四絕句

翠壁看無厭。山池坐益清。深林落輕葉。不道是秋聲。
怪石有千窟。老松多半枝。清風灑巖洞。是我再來時。
人閒酷暑避不得。清風都在深山中。池邊一坐卽三日。

△皆有又字

忽見巖頭碧樹紅。

兩到浮峰興轉劇。醉眠三日不知還。眼前風景色色異。

惟有人聲似世間。

姑蘇吳氏海天樓次鄺尹韻

晴雪吹寒春事濃。江樓三月尚殘冬。青山暗逐回廊轉。

碧海真成捷徑通。風暖簷牙雙燕劇。雲深簾幙萬花重。

倚闌天北疑回首。想像丹梯下六龍。

山中立秋日偶書

風吹蟬聲亂。林卧驚新秋。山池靜澄碧。暑氣亦已收。

暑氣已漫

峰出白雲。突兀成瓊樓。袒_袒初坐溪石。對之心悠悠。倏忽

無定態。變化不可求。浩然發長嘯。忽起雙白鷗。

夜雨山翁家偶書

山空秋夜靜。月明松檜涼。沿溪步月色。溪影搖空蒼。山

翁隔水語。酒熟呼我嘗。褰衣涉溪去。笑引開竹房。謙言

值暮夜。盤飧百無將。露華明橘柚。摘獻冰盤香。洗盞對

酬酢。浩歌入蒼茫。醉拂巖石卧。言歸遂相忘。

尋春

十里湖光放小舟。謾尋春事及西疇。江鷗意到忽飛去。

弘治十六年癸亥先生三十三歲

野老情深只自留。日暮草香含雨氣。九峰晴色散溪流。
吾儕是處皆行樂。何必蘭亭說舊遊。

西湖醉中謾書二首

十年塵海勞魂夢。此日重來眼倍清。好景恨無蘇老筆。
乞歸徒有賀公情。白鳥飛處青林晚。翠壁明邊返照晴。
爛醉湖雲宿湖寺。不知山月墮江城。
掩映紅粧莫謾猜。隔林知是藕花開。共君醉卧不須到。
自有香風拂面來。

九華山下柯秀才家

以下錄因江南時詩附錄

蒼峰抱層嶂。翠瀑繞雙溪。下有幽人宅。蘿深客到迷。

夜宿無相寺

春宵卧無相。月照五溪花。掬水洗雙眼。披雲看九華。巖
頭金佛國。樹杪謫仙家。彷彿聞笙鶴。青天落絳霞。

題四老圍棋圖

世外煙霞亦許時。至今風致後人思。卻懷劉項當年事。
不及山中一著棋。

無相寺三首

老僧巖下屋。繞屋皆松竹。朝聞春鳥啼。夜伴巖虎宿。

坐望九華碧。浮雲生曉寒。山靈應秘惜。不許俗人看。
靜夜聞林雨。山靈似欲留。只愁梯石滑。不得到峰頭。

化城寺六首

化城高住萬山深。樓閣憑空上界侵。天外清秋度明月。
人閒微雨結浮陰。鉢龍降處雲生座。巖虎歸時風滿林。
最愛山僧能好事。夜堂燈火伴孤吟。

雲裏軒窗半上鉤。望中千里見江流。高林日出三更曉。
幽谷風多六月秋。仙骨自憐何日化。塵緣翻覺此生浮。
夜深忽起蓬萊興。飛上青天十二樓。

雲端鼓角落星斗。松頂袈裟散雨花。一百六峰開碧漢。
八十四梯踏紫霞。山空仙骨葬金槲。春暖石芝抽玉芽。
獨揮談麈拂煙霧。一笑天地真無涯。

化城天上寺。石磴入星躔。雲外開丹井。峰頭耕石田。月

躔

明猿聽偈。風靜鶴參禪。今日揩雙眼。幽懷二十年。

僧屋煙霏外。山深絕世譁。茶分龍井水。飯帶石田砂。香

細雲嵐雜。窗高峰影遮。林棲無一事。終日弄丹霞。

突兀開穹閣。氤氳散曉鐘。飯遺黃稻粒。花發五釵松。金

骨藏靈塔。神光照遠峰。微茫竟何是。老衲話遺踪。

李白祠二首

千古人豪去。空山尚有祠。竹深荒舊徑。蘚合失殘碑。雲
雨羅文藻。溪泉繫夢思。老僧殊未解。猶自索題詩。

謫仙棲隱地。千載尚高風。雲散九峰雨。巖飛百丈虹。寺

僧傳舊事。詞客弔遺踪。回首蒼茫外。青山感慨中。

雙峰

凌崖望雙峰。蒼茫竟何在。載拜西北風。為我掃浮靄。

蓮花峰

夜靜涼飈發。輕雲散碧空。玉鉤掛新月。露出青芙蓉。

列仙峰

靈峭九萬丈。參差生曉寒。僊人招我去。揮手青雲端。

雲門峰

雲門出孤月。秋色坐蒼濤。夜久羣籟絕。獨照宮錦袍。

芙蓉閣二首

青山意不盡。還向月中看。明日歸城市。風塵又馬鞍。

巖下雲萬重。洞口桃千樹。終歲無人來。惟許山僧住。

書梅竹小畫

寒倚春霄蒼玉杖。九華峰頂獨歸來。柯家草亭深雲裏。

卻有梅花傍竹開

山東詩六首

弘治甲子年起復
主試山東時作

登泰山五首

曉登泰山道行行入煙霏。陽光散巖壑。秋容淡相輝。雲梯掛青壁。仰見蛛絲微。長風吹海色。飄飄送天衣。峰頂動笙樂。青童兩相依。振衣將往從。凌雲忽高飛。揮手若相待。丹霞閃餘暉。凡軀無健羽。悵望未能歸。

其二 下注之要

天門何崔嵬。下見青雲浮。泱泱絕人世。迥豁高天秋。暝

色從地起。夜宿天上樓。天雞鳴半夜。日出東海頭。隱約蓬壺樹。縹緲扶桑洲。浩歌落青冥。遺響入滄流。唐虞變楚漢。滅沒如風漚。藐矣鶴山僊。秦皇豈堪求。金砂費日月。頽顏竟難留。吾意在龐古。冷然馭涼飈。相期廣成子。太虛顯遨遊。枯槁向巖谷。黃綺不足儔。

窮厓不可極。飛步凌煙虹。危泉瀉石道。空影垂雲松。千峰互攢簇。掩映青芙蓉。高臺倚巉削。傾側臨崆峒。失足墮煙霧。碎骨顛厓中。下愚竟難曉。摧折紛相從。吾方坐

日觀披雲笑天風。赤水問軒后。蒼梧叫重瞳。隱隱落天語。閭闔開玲瓏。去去勿復道。濁世將焉窮。

四

塵網苦羈縻。富貴真露草。不如騎白鹿。東遊入蓬島。朝

羈

登太山望洪濤。隔縹緲。揚輝出海雲。來作天門曉。遙見

碧霞君。翩翩起員嶠。玉女紫鸞笙。雙吹入晴昊。舉首望

不及。下拜風浩浩。擲我玉虛篇。讀之殊未了。傍有長眉

翁。一一能指道。從此煉金沙。人間跡如掃。

五

注

我才不救時。匡扶志空大。置我有無閒。緩急非所賴。孤

坐萬峰顛。嗒然遺下塊。已矣復何求。至精諒斯在。澹泊

非虛杳。灑脫無芥蒂。世人聞予言。不笑即吁怪。吾亦不

強語。惟復笑相待。魯叟不可作。此意聊自快。

泰山高次王內翰司獻韻

歐生誠楚人。但識廬山高。廬山之高。猶可計尋丈。若夫

泰山。仰視恍惚。吾不知其尚在青天之下乎。其已直出

青天上。我欲做擬試作泰山高。但恐培塿之見。未能測

識高大。筆底難具狀。扶輿磅薄元氣鍾。突兀半遮天地

東南衡北恆西泰華俯視偃僂誰爭雄人寰茫昧乍隱
見雷雨初解開鴻濛繡壁丹梯煙霏靄霽海日初湧照
耀蒼翠平麓遠抱滄海灣日觀正與扶桑對聽濤聲之
下瀉知百川之東會天門石扇豁然中開幽崖邃谷巖
積隱埋中有遯世之流龜潛雌伏殫霞吸秀於其間往
往怪譎多僊才上有百丈之飛湍懸空絡石穿雲而直
下其源疑自青天來巖頭膚寸出煙霧須臾滂沱徧九
垓古來登封七十二主後來相效紛紛如雨玉檢金函
無不爲只今埋沒知何許但見白雲猶復起封中斷碑

無字天外日月磨剛風飛塵過眼倏超忽飄蕩豈復有
遺蹤其蹤天別天空翠華遠落日辭千峰魯郊獲麟岐陽會鳳明
堂既毀闕宮興頌宣尼曳杖逍遙一去不復來幽泉鳴
咽而含悲羣巒拱揖如相送俯仰宇宙千載相望墮山
喬嶽尚被其光峻極配天無敢頡頏嗟予瞻眺門墻外
何能彷彿窺室堂也來攀附攝遺跡三千之下不知亦
許再拜占末行吁嗟乎泰山之高其高不可極半壁回
首此身不覺已在東斗傍

京師詩八首

弘治乙丑年改除
兵部主事時作

弘治十八年先生廿四歲

憶龍泉山

我愛龍泉寺。寺僧頗踈野。盡日坐井欄。有時卧松下。一
夕別山雲。三年走車馬。媿殺巖下泉。朝夕自清瀉。

憶諸弟

久別龍山雲。時夢龍山雨。覺來枕簟涼。諸弟在何許。終
年走風塵。何似山中住。百歲如轉蓬。拂衣從此去。

寄舅

老舅近何如。心性老不改。世故惱情懷。光陰不相待。借
問同輩中。鄉鄰幾人在。從今且為樂。舊事無勞悔。

送人東歸

五洩佳山水。平生思一遊。送子東歸省。尊鱸况復秋。幽
探須及壯。世事苦悠悠。來歲春風裏。長安憶故邱。

寄西湖友

予有西湖夢。西湖亦夢予。三年成闊別。近事竟何如。况
有諸賢在。他時終卜廬。但恐吾歸日。君還軒冕拘。

贈陽伯

陽伯即伯陽。伯陽竟安在。大道即人心。萬古未嘗改。長
生在求仁。金丹非外待。繆矣三十年。于今吾始悔。

故山

鑑水終年碧。雲山盡日閑。故山不可到。幽夢每相關。霧豹言長隱。雲龍欲共攀。緣知丹壑意。未勝紫宸班。

憶鑑湖友

長見人來說。扁舟每獨遊。春風梅市晚。月色鑑湖秋。空有煙霞好。猶為塵世留。自今當勇往。先與報江鷗。

獄中詩十四首

正德丙寅年十二月以
上疏忤逆瑾下錦衣獄作

不寐

天寒歲云暮。冰雪關河迥。幽室魍魎生。不寐知夜永。驚

正德元年丙寅先生廿五歲

風起林木。驟若波浪洶。我心良匪石。鉅為賊欣動。滔滔眼前事。逝者去相踵。厓窮猶可陟。水深猶可泳。焉知非日月。胡為亂予衷。深谷自透迤。煙霞日悠永。匡時在賢達。歸哉盍耕壟。

有室七章

有室如篋。周之崇墉。室如穴處。無秋無冬。耿彼屋漏。天光入之。瞻彼日月。何嗟及之。倏晦倏明。凄其以風。倏雨倏雪。當晝而蒙。夜何其矣。靡星靡粲。豈無白日。寤寐永嘆。

瞻

感

心之憂矣。匪家匪室。或其啟矣。殞予匪恤。

氤氳其埃。日之光矣。淵淵其鼓。明既昌矣。

朝既式矣。日既夕矣。悠悠我思。曷其極矣。

讀易

囚居亦何事。省愆懼安飽。暝坐玩羲易。洗心見微奧。乃

知先天翁。畫畫有至教。包蒙戒為寇。童牯事宜早。蹇蹇

匪為節。兢兢未違道。遯四獲我心。蠱上庸自保。俛仰天

地間。觸目俱浩浩。筆飄有餘樂。此意良匪矯。幽哉陽明

麓。可以忘吾老。

歲暮

兀坐經旬成木石。忽驚歲暮還思鄉。高簷白日不到地。

深夜點鼠時登牀。峰頭霽雪開草閣。瀑下古松閒石房。

溪鶴洞猿爾無恙。春江歸棹吾相將。

見月

屋罅見明月。還見地上霜。客子夜中起。旁皇涕沾裳。匪

為嚴霜苦。悲此明月光。月光如流水。徘徊照高堂。胡為

此幽室。奄忽踰飛揚。逝者不可及。來者猶可望。盈虛有

天運。嘆息何能忘。

天涯歲暮冰霜結。永巷人稀罔象遊。長夜星辰瞻閣道。
曉天鐘鼓隔雲樓。思家有淚仍多病。報主無能合遠投。
留得昇平雙眼在。且應簑笠卧滄洲。

屋罅月

幽室不知年。夜長晝苦短。但見屋罅月。清光自虧滿。佳
人宴清夜。繁絲激哀管。朱閣出浮雲。高歌正凄婉。寧知
幽室婦。中夜獨愁嘆。良人事遊俠。經歲去不返。來歸在
何時。年華忽將晚。蕭條念宗祀。淚下長如霰。

別友獄中

居常念朋舊。簿領成闊絕。嗟我二三友。胡然此簪盍。累
累囹圄閒。講誦未能輟。桎梏敢忘罪。至道良足悅。所恨
精誠眇。尚口徒自蹶。天王本明聖。旋已但中熱。行藏
未可期。明當與君別。願言無詭隨。努力從前哲。

赴謫詩五十五首

正德丁卯年赴謫
貴陽龍場驛作

答汪抑之三首

去國心已恫。別子意彌惻。伊邇怨昕夕。況茲萬里隔。戀
戀岐路閒。執手何能默。子有昆弟居。而我遠親側。回思
菽水權羨子。何由得知子。念我深夙夜。敢忘惕良心。忠

正德二年丁卯先生卅六歲

信資蠻貊非我感

北風春尙號。浮雲正南馳。風雲一相失。各在天一涯。客

子懷往路。起視明星稀。驅車赴長阪。迢迢入嵐霏。旅宿

蒼山底。霧雨昏朝彌。閒關不足道。嗟此白日微。切嗟懷

良友。願言毋心違。

聞子賦茆屋。來歸在何年。索居閒楚越。連峰鬱參天。緬

懷巖中隱。磴道窮扳緣。江雲動蒼壁。山月流澄川。朝採

石上芝。暮漱松間泉。鸞湖有前約。鹿洞多遺編。寄子春

鴻書。待我秋江船。

陽明子之南也。其友湛元明歌九章以贈。崔子鍾

和之以五詩。於是陽明子作八詠以答之。

君莫歌九章。歌以傷我心。微言破寥寂。重以離別吟。別

離悲尙淺。言微感逾深。瓦缶易諧俗。誰辯黃鐘音。

其二

君莫歌五詩。歌之增離憂。豈無良朋侶。洵樂相遨遊。譬

彼桃與李。不爲倉困謀。君莫忘五詩。忘之我焉求。

其三

洙泗流浸微。伊洛僅如綫。後來三四公。瑕瑜未相掩。嗟

其二作又下皆準之別

予不量力。跋蹙期致遠。屢興還屢仆。喘息幾不免。道逢同心人。秉節倡予敢。力爭毫釐閒。萬里或可勉。風波忽相失。言之淚徒泫。

其四

此心還此理。寧論已與人。千古一嘯吸。誰為歎離羣。浩浩天地內。何物非同春。相思輒奮勵。無為俗所分。但使心無閒。萬里如相親。不見宴遊交。微逐胥以淪。

其五

器道不可離。二之即非性。孔聖欲無言。下學從泛應。君

子勤小物。蘊蓄乃成行。我誦窮索篇。於子既聞命。如何園中士。空谷以為靜。

其六

靜虛非虛寂。中有未發中。中有亦何有。無之即成空。無欲見真體。忘助皆非功。至哉玄化機。非子孰與窮。

其七

憶與美人別。贈我青琅函。受之不敢發。焚香始開槭。諷誦意彌遠。期我濂洛閒。道遠恐莫致。庶幾終不慚。

其八

全書卷十九 夕集一詩 其八

全書卷一
夕集一詩
憶與美人別。惠我雲錦裳。錦裳不足貴。遺我冰雪腸。寸腸亦何遺。誓言終不渝。珍重美人意。深秋以為期。

南遊三首

元明與子有衡嶽羅浮之期。賦南遊申約也。

南遊何迢迢。蒼山亦南馳。如何衡陽雁。不見燕臺書。莫歌澧浦曲。莫弔湘君祠。蒼梧煙雨絕。從誰問九疑。

其二

九疑不可問。羅浮如可攀。遙拜羅浮雲。莫以雙瓊環。渺渺洞庭波。東逝何時還。人生不努力。草木同衰殘。

其三

洞庭何渺茫。衡嶽何崔嵬。風颺迴雁雪。美人歸未歸。我有紫瑜珮。留掛芙蓉臺。下有蛟龍峽。往往興雲雷。

憶昔答喬白巖因寄儲柴墟三首

憶昔與君約。玩易探玄微。君行赴西嶽。經年始來歸。方將事窮索。忽復當遠辭。相去萬里餘。後會安可期。我長生訣。惑也吾誰欺。盈虧消息間。至哉天地機。聖狂天淵隔。失得分毫釐。

其二

全書卷一

夕集一詩

三

毫釐何所辯。惟在公與私。公私何所辯。天動與人為。遺
 體豈不貴。踐形乃無虧。願君崇德性。問學刊支離。無為
 氣所役。毋為物所疑。恬淡自無欲。精專絕交馳。博奔亦
 何事。好之甘若飴。吟咏有性情。喪志非所宜。非君愛忠
 告。斯語容見嗤。試問柴墟子。吾言亦何如。

其三

柴墟吾所愛。春陽溢鬢眉。白巖吾所愛。慎默長如愚。二
 君廊廟器。予亦山泉姿。度量較齒德。長者皆吾師。置我
 五人末。庶亦忘崇卑。迢迢萬里別。心事兩不疑。北風送

南雁慰我長相思

一日懷抑之也。抑之之贈。既嘗答以三詩。意若有
 歉焉。是以賦也。

一日復一日。去子日以遠。惠我金石言。沈鬱未能展。人
 生各有際。道誼尤所眷。嘗嗤兒女悲。憂來仍不免。緬懷
 滄洲期。聊以慰遲晚。

其二

遲晚不足歎。人命各有常。相去忽萬里。河山鬱蒼蒼。中
 夜不能寐。起視江月光。中情良自抑。美人難自忘。

其三

美人隔江水。彷彿若可覩。風吹蒹葭雪。飄蕩知何處。美人有瑤瑟。清奏含太古。高樓明月夜。惆悵為誰鼓。

夢與抑之昆季語。湛崔皆在焉。覺而有感。因紀以

詩三首

夢與故人語。語我以相思。纔為旬日別。宛若三秋期。令弟坐我側。屈指如有為。須臾湛君至。崔子行相隨。肴醕旋羅列。語笑如平時。縱言及微奧。會意忘其辭。覺來復何有。起坐空嗟咨。

其二

起坐憶所夢。默遡猶歷歷。初談自有形。繼論入無極。無極生往來。往來萬化出。萬化無停機。往來何時息。來者胡為信。往者胡為屈。微哉屈信間。子午當其屈。非子盡精微。此理誰與測。何當衡廬間。相攜玩義易。

其三

衡廬曾有約。相攜尚無時。去事多翻覆。來蹤豈前知。斜月滿虛牖。樹影何參差。林風正蕭瑟。驚鵲無寧枝。邈彼二三子。怒焉勞我思。

因雨和杜韻

晚堂踈雨暗柴門。忽入殘荷瀉石盆。萬里滄江生白髮。
幾人燈火坐黃昏。客途最覺秋先到。荒徑惟憐菊尚存。
卻憶故園耕釣處。短簑長笛下江村。

赴謫次北新關喜見諸弟

扁舟風雨泊江關。兄弟相看夢寐間。已分天涯成死別。
寧知意外得生還。投荒自識君恩遠。多病心便吏事閒。
攜汝耕樵應有日。好移茅屋傍雲山。

南屏

溪風漠漠南屏路。春服初成病眼開。花竹日新僧已老。
湖山如舊我重來。層樓雨急青林迥。古殿雲晴碧嶂迴。
獨有幽禽解相信。雙飛時下讀書臺。

卧病靜慈寫懷

卧病空山春復夏。山中幽事最能知。雨晴階下泉聲急。
夜靜松閒月色遲。把卷有時眠白石。解纓隨意濯清漪。
吳山越嶠俱堪老。正奈燕雲繫遠思。

移居勝果寺二首

江上但知山色好。峰迴始見寺門開。半空虛閣有雲住。

六月深松無暑來。病肺正思移枕簟。洗心兼得遠塵埃。
富春咫尺煙濤外。時倚層霞望釣臺。

病餘巖閣坐朝曛。異景相新得未聞。日脚倒明千頃霧。
雨聲高度萬峰雲。越山陣水當吳嶠。江月隨潮上海門。
便欲攜書從此老。不教猿鶴更移文。

憶別

憶別江干風雪陰。艱難歲月兩侵尋。重看骨肉情何限。
況復斯文約舊深。賢聖可期先立志。塵凡未脫謾言心。
移家便住煙霞壑。綠水青山長對吟。

泛海

險夷原不滯胸中。何異浮雲過太空。夜靜海濤三萬里。
月明飛錫下天風。

武夷次壁間韻

肩輿飛度萬峰雲。回首滄波月下聞。海上真為滄水使。
山中又遇武夷君。溪流九曲初諳路。精舍千年始及門。
歸去高堂慰垂白。細探更擬在春分。

草萍驛次林見素韻奉寄

山行風雪瘦能當。會喜江花照野航。本與宦途成懶散。

正德三年戊辰先生廿七歲

頗因詩景受閑忙。鄉心草色春同遠。客鬢松梢晚更蒼。料得煙霞終有分。未須連夜夢溪堂。

玉山東嶽廟。遇舊識嚴星士。憶昨東歸亭下路。數峰簫管隔秋雲。肩輿欲到妨多事。鼓枻重來會有云。春夜絕憐燈節近。溪聲最好月中聞。行藏無用君平卜。請看沙邊鷗鷺羣。

廣信元夕蔣太守舟中夜話

樓臺燈火水西東。簫鼓星橋渡碧空。何處忽談塵世外。百年惟此月明中。客途孤寂渾常事。遠地相求見古風。

別後新詩如不惜。衡南今亦有飛鴻。

夜泊石亭寺用韻呈陳叟諸公因寄儲柴墟都憲

及喬白巖太常諸友

廿年不到石亭寺。惟有西山只舊青。白拂挂牆僧已去。紅闌照水客重經。沙村遠樹凝春望。江雨孤篷入夜聽。何處故人還笑語。東風啼鳥夢初醒。

其
悵望沙頭成久坐。江洲春樹何青青。煙霞故國虛夢想。

風雨客途真慣經。白璧屢投終自信。朱絃一絕好誰聽。扁舟心事滄浪舊。從與漁人笑獨醒。

首

過分宜望鈴岡廟

共傳峰頂樹。古廟有靈神。楚俗多尊鬼。巫言解惑人。望
禋存舊典。捍禦及斯民。世事渾如此。題詩感慨新。

雜詩三首

危樓斷我前。猛虎尾我後。倒崖落我左。絕壑臨我右。我
足復荆榛。雨雪更紛驟。邈然思古人。無悶聊自有。無悶
雖足珍。警惕忘爾守。君觀真宰意。匪薄亦良厚。

其二

青山清我目。流水靜我耳。琴瑟在我御。經書滿我几。措

足踐坦道。悅心有妙理。頑冥非所懲。賢達何靡靡。乾乾
懷往訓。敢忘惜分晷。悠哉天地內。不知老將至。

其三

羊腸亦坦道。太虛何陰晴。燈窗玩古易。欣然獲我情。起
舞還再拜。聖訓垂明明。拜舞詎踰節。頓忘樂所形。歛衽
復端坐。玄思窺沈冥。寒根固生意。息灰抱陽精。沖漠際
無極。列宿羅青冥。夜深向晦息。始聞風雨聲。

臺谷袁州府宜春臺四絕
宜春臺上還春望。山水南來眼未嘗。卻笑韓公亦多事。

更從南浦羨滕王。

臺名何事只宜春。山色無時不可人。不用煙花費妝點。

儘教刊落儘嶙峋。

持修江藻拜祠前。正是春風欲暮天。童冠儘多歸詠興。

城南兼說有溫泉。

古廟香燈幾許年。增修還費大官錢。至今楚地多風雨。

猶道山神駕鐵船。

夜宿宣風館。

山石崎嶇古轍痕。沙溪馬渡水猶渾。夕陽歸鳥投深麓。

煙火行人望遠村。天際浮雲生白髮。林間孤月坐黃昏。

越南冀北俱千里。正恐春愁入夜魂。

萍鄉道中謁濂溪祠。

木偶相沿恐未真。清輝亦復凜衣巾。簿書曾屑乘田吏。

俎豆猶存畏壘民。碧水蒼山俱過化。光風霽月自傳神。

千年私淑心喪後。下拜春祠薦渚蘋。

風雨宿萍鄉武雲觀。

曉行山徑樹高低。雨後春泥沒馬蹏。翠色絕雲開遠嶂。

寒聲隔竹隱晴溪。已聞南去艱舟楫。漫憶東歸沮杖藜。

夜宿仙家見明月清光還似鑑湖西

風雨偏從險道嘗嘗深泥沒馬陷車箱

虛傳鳥路通巴蜀真豈必羊腸在太行

遠渡漸看連暝色真晚霞會喜見朝陽

水南昏黑投僧寺還理義編坐夜長

長沙答周生

旅倦憇江觀病齒廢談誦之子特相求

禮殫意彌重自言絕學餘有志莫與共

手持一編書披歷見肝衷技近希

小范蹤遠為賈生慟兵符及射藝方技靡不綜

我方懲創後見之色亦動子誠仁者心所言亦屢中

願子且求志蘊蓄事涵泳孔聖固遑遑與點樂歸詠

回也王佐才閉戶避鄰闈知子信美才

大構中梁棟未當匠石求滋植務培壅愧子勤倦意

何以相規諷養心在寡欲操存舍卽縱

嶽麓何森森遺址自南宋江山足游息賢迹尙

堪踵何當謝病來士氣多沈勇

三六涉湘于邁嶽麓是遵仰止先哲因懷友生麗澤興

感伐木寄言二首別客行長沙道山川鬱稠繆

西探指嶽麓凌晨渡湘流踰

岡復陟巘^吊。千古還尋幽。林壑有餘采^清。昔賢此藏修。我來實^宜仰止。匪伊事盤遊。衡雲閒曉望。洞野浮春洲。懷我二三友。伐木增離憂。何當此來聚。道誼日相求。

其二

林閒憩白石。好風亦時來。春陽熙百物。欣然得予懷。緬思兩夫子。此地得徘徊。當年靡童冠。曠代登堂階。高情詎今昔。物色遺吾儕。顧謂二三子。取瑟為我諧。我彈爾為歌。爾舞我與偕。吾道有至樂。富貴真浮埃。若時乘大化。勿愧點與回。陟岡採松柏。將以遺所思。勿採松柏枝。

兩賢昔所依。綠峰踐臺石。將以望所期。勿踐臺上石。兩賢昔所躋。兩賢去邈矣。我友何相違。吾斯未能信。役役空爾疲。胡不此簪盍。麗澤相遨嬉。渴飲松下泉。飢飧石上芝。偃仰絕餘念。遷客難久稽。洞庭春浪闊。浮雲隔九疑。江洲滿芳草。目極令人悲。已矣從此去。奚必茲山為。戀繫乃從欲。安土惟隨時。晚聞冀有得。此外吾何知。

遊嶽麓書事

醴陵西來涉湘水。信宿江城沮風雨。不獨病齒畏風濕。泥潦侵途絕行旅。人言嶽麓最形勝。隔水溟濛隱雲霧。

趙侯需晴邀我遊。故人徐陳各傳語。周生好事屢來速。
 森森雨脚何由住。曉來陰翳稍披拂。便攜周生涉江去。
 戒令休遣府中知。徒爾勞人更妨務。橘洲僧寺浮江流。
 鳴鐘出延立沙際。停橈一至答其情。三洲連縣亦佳處。
 行雲散漫浮日色。是時峰巒益開霽。亂流蕩槩濟倏忽。
 繫楫江邊老檀樹。岸行里許入麓口。周生道子勤指顧。
 柳蹊梅隄存彷彿。道林林壑獨如故。赤沙想像虛田中。
 西嶼傾頽今塚墓。道鄉荒趾留突兀。赫曦遠望石如鼓。
 殿堂釋菜禮從宜。下拜朱張息游地。鑿石開山面勢改。

雙峰闕闕見江渚。聞是吳君所規畫。此舉良是反遭忌。
 九仞誰虧一簣功。歎息遺基獨延伫。浮屠觀閣摩青霄。
 盤據名區徧寰宇。其徒素為儒所擯。以此方之反多愧。
 愛禮思存告朔羊。況此實作匪文具。人云趙侯意頗深。
 隱忍調停旋修舉。昨來風雨破棟脊。方遣圻人補殘敝。
 予聞此語心稍慰。野人蔬蕨亦羅置。欣然一酌纔舉杯。
 津夫走報郡侯至。此行隱跡何由聞。遣騎候訪自吾寓。
 潛來鄙意正為此。倉卒行庖益勞費。整冠出迓見雨蓋。
 乃知王君亦同御。肴羞層疊絲竹繁。避席興辭懇莫拒。

多儀劣薄非所承。樂闋觴周日將暮。黃堂吏散君請先。
病夫沾醉須少憇。入舟暝色漸微茫。卻喜順流還易渡。
巖城燈火人已稀。小巷曲折忘歸路。倦宮酣倦成熟寐。
曉聞簷聲復如注。昨遊偶遂寔天假。信知行樂皆有數。
涉躡差償夙好心。尙有名山敢多慕。齒角盈虧分則然。
行李雖淹吾不惡。

次韻答趙太守王推官

詰朝事虔謁。玄居宿齋沐。積霖喜新霽。風日散清燠。蘭
橈渡芳渚。半涉見水陸。溪山儼新宇。雷雨荒大麓。皇皇

絃誦區。斯文昔炳郁。興廢尙屯疑。使我懷悱悞。近聞牧
守賢。經營亟乘屋。方舟爲予來。飛蓋遙肅肅。花絮媚晚
筵。韶景正柔淑。浴沂諒同情。及茲授春服。令德倡高祠。
混珠愧魚目。努力崇修名。迂疎自巖谷。

天心湖阻泊既濟書事

掛席下長沙。瞬息百餘里。舟人共揚眉。予獨憂其駛。日
暮入沅江。抵石舟果圯。補敝詰朝發。衝風遂齟齬。暝泊
後江湖。蕭條旁習壘。月黑波濤驚。蛟鼉互睥睨。翼午風
益厲。狼狽收斷汜。天心數里間。三日但遙指。甚雨迅雷

陽明先生外錄卷之二
目錄題居夷詩

電作勢殊未已。溟溟雲霧中。四望渺涯涘。篙槳不得施。
丁夫盡嗟謫。淋漓念同胞。吾寧忍暴使。餽粥且傾橐。苦
甘吾與爾。眾意在必濟。糧絕亦均死。憑陵向高浪。吾亦
詎容止。虎怒安可撓。志同稍足倚。且令並斫行。試涉湖
濱。汴收舵幸無事。風雨亦浸弛。逡巡緣汴湄。迤邐就風
勢。新漲翼回湍。倏忽逝如矢。夜入武陽江。漁村穩堪艤。
糴市謀晚炊。且為眾人喜。江醪信漓濁。聊復盪胸滓。濟
險在需時。微倖豈常理。爾輩勿輕生。偶然非可恃。

去婦歎五首

楚人有聞於新娶而去其婦者。其婦無所歸。去之山間。獨居懷綰不忘。終

不夾行低三格

陽明先生外錄卷之二
居夷詩一百十二首
集要亦有居夷詩之題

無他適。予聞其事而悲之。為作去婦歎。

其二

委身奉箕箒。中道成棄捐。蒼蠅閒白壁。君心亦何愆。獨
嗟貧家女。素質難為妍。命薄良自喟。敢忘君子賢。春華
不再艷。頽魄無重圓。新歡莫終恃。令儀慎周還。
依違出門去。欲行復遲遲。鄰嫗盡出別。強語含辛悲。陋
質容有繆。放逐理則宜。姑老籍相慰。缺乏多所資。妾行
長已矣。會面當無時。
妾命如草芥。君身比琅玕。柰何以妾故。廢食懷憤冤。無
為傷姑意。燕爾且為歡。中厨存宿旨。為姑備朝飧。畜育

有又字

其三

其四

意千緒倉卒徒悲酸伊邇望門屏盍從新人言夫意已
如此妾還當誰顏
去矣勿復道已去還躊躇雞鳴尚聞響犬戀猶相隨感
此摧肝肺淚下不可揮岡回行漸遠日落羣鳥飛羣鳥
各有託孤妾去何之
空谷多淒風樹木何瀟森浣衣澗冰合採苓山雪深離
居寄巖穴憂思託鳴琴朝彈別鶴操暮彈孤鴻吟彈苦
思彌切嶮岈隔雲岑君聰甚明哲何因聞此音

羅舊驛

其五

客行日日萬峰頭山水南來亦勝遊市谷鳥啼村雨暗
刺桐花暝石溪幽蠻煙喜過青楊瘴鄉思愁經芳杜洲
身在夜郎家萬里五雲天北是神州

沅水驛

辰陽南望接沅州碧樹林中古驛樓遠客日憐風土異
空山惟見瘴雲浮耶溪有信從誰問楚水無情只自流
卻幸此身如野鶴人間隨地可淹留

鐘鼓洞

見說水南多異迹巖頭時有鼓鐘聲空遺石壁千年在

未信金沙九轉成。遠地星辰瞻北極。春山明月坐更深。
年來夷險還忘卻。始信羊腸路亦平。

平溪館次王文濟韻

山城寥落閉黃昏。燈火人家隔水村。清世獨便吾職易。
窮途還賴此心存。蠻煙瘴霧承相往。翠壁丹崖好共論。
畎畝投閑終有日。小臣何以答君恩。

清平衛卽事

積雨山途喜乍晴。煖雲浮動水花明。故園日與青春遠。
飲緼涼思白苧輕。煙際卉衣窺絕棧。時土苗方仇殺峰頭戍角

隱孤城。華夷節制嚴冠履。漫說殊方列省卿。

興隆衛書壁

山城高下見樓臺。野戍參差暮角催。貴竹路從峰頂入。
夜郎人自日邊來。鶯花夾道驚春老。雉堞連雲向晚開。
尺素屢題還屢擲。衡南那有鴈飛回。

七盤

鳥道縈紆下七盤。古藤蒼木峽聲寒。境多奇絕非吾土。
時可淹留是謫官。猶記邊峰傳羽檄。近聞苗俗化衣冠。
投簪實有居夷志。垂白難承菽水懽。

初至龍場無所止結草庵居之

草庵不及肩。旅倦體方適。開棘自成籬。土階漫無級。迎風亦蕭疏。漏雨易補緝。靈瀨嚮朝湍。深林凝暮色。羣獠環聚訊。語龐意頗質。鹿豕且同遊。茲類猶人屬。污樽映瓦豆。盡醉不知夕。緬懷黃唐化。略稱茅茨迹。

始得東洞遂改爲陽明小洞天三首

古洞閼荒僻。虛設疑相待。披萊歷風磴。移居快幽壑。營炊就巖竇。放榻依石壘。穹室旋薰塞。夷坎仍灑掃。卷帙湧堆列。樽壺動光彩。夷居信何陋。恬淡意方在。豈不桑

梓懷素位聊無悔。

童僕自相語。洞居頗不惡。人力免結構。天巧謝雕鑿。清

泉傍廚落。翠霧還成幕。我輩日嬉偃。主人自愉樂。雖無

榮戟榮。且遠塵囂聒。但恐霜雪凝。雲深衣絮薄。

我聞筦爾笑。周慮愧爾言。上古處巢窟。杯飲皆汗樽。互

極陽內伏。石穴多冬暄。豹隱文始澤。龍蟄身乃存。豈無

數尺棖。輕裘吾不溫。邈矣簞瓢子。此心期與論。

買口謫居糧。絕請學于農。將田南山永。言寄懷

謫居屢在陳。從者有愠見。山荒聊可田。錢鏹還易辦。夷

俗多火耕。傲習亦頗便。及茲春未深。數畝猶足佃。豈徒實口腹。且以理荒宴。遺穗及烏雀。貧寡發餘羨。千報別出未。在明晨。山寒易霜霰。

觀稼

下田既宜稔。高田亦宜稷。種蔬須土疏。種蕓須土濕。寒多不實秀。暑多有螟蝥。去草不厭頻。耘禾不厭密。物理既可玩。化機還默識。卽是參贊功。毋爲輕稼穡。

採蕨

採蕨西山下。扳援陟崔嵬。遊子望鄉國。淚下心如摧。浮

雲塞長空。頽陽不可回。南歸斷舟楫。北望多風埃。已別供子職。勿更貽親哀。

猗猗

猗猗澗邊竹。青青巖畔松。直榦歷冰雪。密葉留清風。自期永相託。雲壑無違蹤。宗別如何兩分植。憔悴歎西東。人事多翻覆。有如道上蓬。惟應歲寒意。隨處還當同。

南溟

南溟有瑞鳥。東海有靈禽。飛遊集上苑。結侶珍樹林。環別願言飾羽儀。共舞簫韶音。風雲忽中變。一失難相尋。瑞鳥

既遭廢靈禽投荒岑天衢雨雪積江漢虞羅侵哀哀鳴
索侶病翼飛未任羣鳥亦千百誰當會其心南嶽有竹
實丹溜青松陰何時共棲息永託雲泉深

溪水

溪石何落落溪水何泠泠坐石弄溪水欣然濯我纓溪
水清見底照我白髮生年華若流水一去無回停悠悠
百年內吾道終何成

龍岡新構

諸夷以予穴居頗陰濕請構小廬欣然趨事不

月而成諸生聞之亦皆來集請名龍岡書院其
軒曰何陋

謫居聊假息荒穢亦須治鑿巘薙林條小構自成趣開
牕入遠峰架扉出深樹墟寨俯逶迤竹木互蒙翳畦蔬
稍溉鋤花藥頗襍蒔宴適豈專予來者得同憩輪奐非
致美毋令易傾敝
營茅乘田隙洽旬始苟完初心待風雨落成還美觀鋤
荒既開徑拓樊亦理園低簷避松偃疎土行竹根勿剪
墻下棘束列因可藩莫擷林閒蘿蒙籠覆雲軒素缺農

圃學因茲得深論。毋為輕鄙事。吾道固斯存。
 諸生來焚香。野朴意所眷。思
 蘭滯動罹咎。廢幽得幸免。夷居雖異俗。親獨疚心疾。憂庸自遣。門生頗羣集。樽罍亦時展。講習
 性所樂。記問復懷覩。林行或沿澗。洞遊還陟巘。月榭坐
 鳴琴。雲牕卧披卷。澹泊生道真。曠達匪荒宴。豈必鹿門
 栖自得。乃高踐。

西園日吟

方園不盈畝。蔬卉頗成列。分溪免蠶灌。補籬防豕躡。蕪

草稍焚薙。清雨夜來歇。濯濯新葉敷。熒熒夜花發。放鋤
 息重陰。舊書漫披閱。倦枕竹下石。醒望松間月。起來步
 閒謠。晚酌簷下設。盡醉即草鋪。忘與鄰翁別。

水濱洞空敞。送遠憇岨谷。濯纓俯清流。沿溪涉危石。曲洞藏深幽。花
 靜馥常鬪。溜暗光亦浮。平生泉石好。所遇成淹留。好鳥
 忽雙下。儵魚亦羣遊。坐久塵慮息。澹然與道謀。

山石猶有理。山木猶有枝。人生非木石。別久寧無思。愁

來步前庭。仰視行雲馳。行雲隨長風。飄飄去何之。行雲
有時定。遊子無還期。高梁始歸燕。題鳩已先悲。有生豈
不苦。逝者長若斯。已矣復何事。商山行采芝。

無寐二首

煙燈暖無寐。憂思坐長往。寒風振喬林。葉落聞牕響。起
窺庭月光。山空遊罔象。懷人阻積雪。崖冰幾千丈。

其二

窮厓多雜樹。上與青冥連。穿雲下飛瀑。誰能識其源。但
聞清猿嘯。時見皓鶴翻。中有避世士。冥寂栖其巔。繫予
亦同調。路絕難攀緣。

諸生夜坐

謫居澹虛寂。眇然懷同遊。日入山氣夕。孤亭俯平疇。草
際見數騎。取徑如相求。漸近識顏面。隔樹停鳴騶。投轡
鴈鶩進。攜榼各有羞。分席夜堂坐。絳蠟清樽浮。鳴琴復
散帙。壺矢交觥籌。夜弄溪上月。曉陟林間丘。村翁或招
飲。洞客偕探幽。講習有真樂。談笑無俗流。緬懷風沂興。
千載相為謀。

艾草次胡少參韻

艾草莫艾蘭蘭有芬芳姿別況生幽谷底別不礙君稻畦艾
芝亦何益別徒令香氣衰別荆棘生滿道別出刺傷人肌別持刀
忌觸手別睨視不敢揮別艾草須艾棘別勿為棘所欺別

鳳雛次韻答胡少參

鳳雛生高厓別風雨摧其翼別養疴深林中別百鳥驚辟易別虞
人視為妖別舉網爭彈弋別此本王者瑞別惜哉誰能識別吾方
哀其窮別胡忍復相亟別鴟梟據叢林別驅鳥恣搏食別嗟爾獨
何心別梟鳳如白黑別

鸚鵡和胡韻

鸚鵡生隴西別羣飛恣鳴遊別何意虞羅及別充貢來中州別金
縹縹華屋別雲泉謝林丘別能言實階禍別吞聲亦何求別主人
有隱寇別竊發聞其謀別感君惠養德別一語思所酬別懼君不
見察別殺身反為尤別

諸生

人生多離別別佳會難再遇別如何百里來別三宿便辭去別有
琴不肯彈別有酒不肯御別遠陟見深情別寧子有弗顧別洞雲
還自栖溪月別誰同步別不念南寺時別寒江雪將暮別不記西
園日別桃花夾川路別相去倏幾月別秋風落高樹別富貴猶塵

沙浮名亦飛絮。嗟我二三子。吾道有真趣。趣別胡不攜書來。茆堂好同住。

遊來僊洞早發道中

霜風清木葉。秋意生蕭疎。衝星策曉騎。幽事將有徂。股蟲亂飛擲。道狹草露濡。傾暑特晨發。征夫已先途。已別浙米石間溜。炊火巖中廬。廬別煙峰上初日。林鳥相嚶呼。意欣物情適。戰勝癘色腴。腴別行樂信宇宙。富貴非吾圖。

別友

幽尋意方結。奈此世界牽。牽別凌晨驅馬別。持杯且為傳。盃別相

求苦非遠。山路多風煙。所貴明哲士。秉道非苟全。去矣崇令德。吾亦行歸田。

贈黃太守澍

歲宴鄉思切。宴別客久親舊疎。卧疴閉空院。忽來故人車。入門辯眉宇。喜定還驚吁。遠行亦安適。符竹膺新除。荒郡號難理。况茲征索餘。君才素通敏。窘劇宜有紓。蠻鄉雖瘴毒。逐客猶安居。經濟非復事。時還理殘書。山泉足遊憩。鹿麋能友予。澹然穹壤內。容膝皆吾廬。廬別惟營垂白念。旦夕懷歸圖。君行勉三事。吾計終五湖。

寄友用韻

懷人坐沈夜沉別。帷燈暖幽光。耿耿積煩緒。忽忽如有忘。玄
 景逝不處。朱炎化微涼。相彼谷中葛。重陰殞衰黃。感此
 遊客子。經年未還鄉。伊人不在目。絲竹徒滿堂絲竹同別。天深鴈
 書杳。夢短關塞長。情好矢無斃。願言覬終償。惠我金石
 編。徽音激宮商。馳輝不可卽。式爾增予傷。馨香襲肝膂。
 聊用中心藏。

秋夜

樹暝栖翼喧。螢飛夜堂靜。遙穹出晴月。低簷入峰影。窅
 然坐幽獨。怵爾抱深警。年徂道無聞。心違跡未屏亦別。蕭瑟
 中林秋。雲凝松桂冷。山泉豈無適。離人懷故境。安得駕
 雲鴻。高飛越南景。

採薪二首

朝採山上荆。暮採谷中粟。深谷多凄風。霜露霑衣濕。採
 薪勿辭辛。昨來斷薪拾。晚歸陰壑底。抱甕還自汲。薪水
 良獨勞。不愧食吾力。
 倚擔青厓際。歷斧厓下石。持斧起環顧。長松百餘尺。徘徊
 不忍揮。俯略澗邊棘。同行笑吾餒。爾斧安用歷。快意

豈不能。物材各有適。可以相天子。眾穉詎足識。

龍岡謾興五首

投荒萬里入炎州。卻喜官卑得自由。心在夷居何有陋。身雖吏隱未忘憂。春山卉服時相問。雪塞藍輿每獨遊。擬把犁鋤從許子。謾將絃誦止言游。

旅況蕭條寄草堂。虛簷落日自生涼。芳春已共煙花盡。孟夏俄驚草木長。絕壁千尋凌杳靄。深厓六月宿冰霜。人間不有宣尼叟。誰信申枏未是剛。

路僻官卑病益閒。空林惟聽鳥聞關。地無醫藥憑書卷。

身處蠻夷亦故山。用世謾懷伊尹恥。思家獨切老萊斑。夢魂兼喜無餘事。只在耶溪舜水灣。

卧龍一去忘消息。千古龍岡漫有名。草屋何人方管樂。桑閒無耳聽咸英。江沙漠漠遺雲鳥。草木蕭蕭動甲兵。好共鹿門龐處士。相期採藥入青冥。

歸與吾道在滄浪。顏氏何曾擊柝忙。枉尺已非賢者事。斲輪徒有古人方。白雲晚憶歸巖洞。蒼蘚春應徧石牀。寄語峰頭雙白鶴。野夫終不久龍場。

答毛拙庵見招書院

野夫病卧成踈懶。書卷長拋舊學荒。豈有威儀堪法象。
實慚文檄過稱揚。移居正擬投醫肆。虛席仍煩避講堂。
範我定應無所獲。空令多士笑王良。

老檜

老檜斜生古驛傍。客來繫馬解衣裳。託根非所還憐汝。
直幹不撓終異常。風雪凜然存節概。刮摩聊爾見文章。
何當移植山林下。偃蹇從渠拂漢蒼。

卻巫

卧病空山無藥石。相傳土俗事神巫。吾行久矣將焉禱。

眾議紛然反見迂。積習片言容未解。輿情三月或應孚。
也知伯有能爲厲。自笑孫僑非丈夫。

過天生橋

水光如練落長松。雲際天橋隱白虹。遼鶴不來華表爛。
僊人一去石橋空。徒聞鵲駕橫秋夕。謾說秦鞭到海東。
移放長江還濟險。可憐虛卻萬山中。

南霽雲祠

死矣中丞莫謾疑。孤城援絕久知危。賀蘭未滅空遺恨。
南八如生定有爲。風雨長廊嘶鐵馬。松杉陰霧捲靈旗。

英魂千載知何處。歲歲邊人賽旅祠。

春晴

林下春晴風漸和。高巖殘雪已無多。遊絲冉冉花枝靜。
青壁迢迢白鳥過。忽向山中懷舊侶。幾從洞口夢煙蘿。
客衣塵土終須換。好與湖邊長芰荷。

陸廣曉發

初日曛曛似曉霞。雨痕新霽渡頭沙。溪深幾曲雲藏峽。
樹老千年雪作花。白鳥去邊回驛路。青崖缺處見人家。
徧行奇勝才經此。江上無勞羨九華。

雪夜

天涯久客歲侵尋。茆屋新開楓樹林。漸慣省言因病齒。
屢經多難解安心。猶憐未繫蒼生望。且得閒為白石吟。
乘興最堪風雪夜。小舟何日返山陰。

元夕二首

故園今夕是元宵。獨向蠻村坐寂寥。賴有遺經堪作伴。
喜無車馬過相邀。春還草閣梅先動。月滿虛庭雪未消。
堂上花燈諸弟集。重闈應念一身遙。

去年今日卧燕臺。銅鼓中宵隱地雷。月傍苑樓燈彩淡。

正德四年己先生卅八歲

風傳閣道馬蹏迴。炎荒萬里頻回首。羌笛三更謾自哀。
尚憶先朝多樂事。孝皇曾為兩宮開。

家僮作紙燈

寥落荒村燈事賒。蠻奴試巧剪春紗。花枝綽約含輕霧。
月色玲瓏映綺霞。取辦不徒酬令節。賞心兼是惜年華。
何如京國王侯第。一盞中人產十家。

白雲堂

白雲僧舍市橋東。別院迴廊小徑通。歲古簷松存獨幹。
春還庭竹發新叢。晴牕暗映羣峰雪。清梵長飄高閣風。

遷客從來甘寂寞。青鞋時過月明中。

來僊洞

古洞春寒客到稀。綠苔荒徑草萋萋。書懸絕壁留僧偈。
花發層蘿繡佛衣。壺榼遠從童冠集。杖藜隨處宦情微。
石門遙鎖陽明鶴。應笑山人久不歸。

木閣道中雪

瘦馬支離緣絕壁。連峰窅窕入層雲。山村樹暝驚鴉陣。
澗道雪深逢鹿羣。凍合衡茅炊火斷。望迷孤戍暮笳聞。
正思講席諸賢在。絳蠟清醅坐夜分。

元夕雪用蘇韻二首

林間暮雪定歸鴉。山外鈴聲報使車。玉盞春光傳柏葉。
夜堂銀燭亂簷花。蕭條音信愁邊鴈。迢遞關河夢裏家。
何日扁舟還舊隱。一簑江上把魚叉。

寒威入夜益廉纖。酒甕爐牀亦戒嚴。久客漸憐衣有結。
蠻居長歎食無鹽。飢豺正爾羣當路。凍雀從渠自宿簷。
陰極陽回知不遠。蘭芽行見發春尖。

曉霽用前韻書懷二首

雙闕鐘聲起萬鴉。禁城月色滿朝車。竟誰詩詠東曹檜。

正憶梅開西寺花。此日天涯傷逐客。何年江上卻還家。
曾無一字堪驅使。謾有虛名擬八叉。

澗草巖花欲鬪纖。溪風林雪故爭嚴。連岐盡說還宜麥。
煮海何曾見作鹽。路斷慙憐無過客。病餘兼喜曝晴簷。
謫居亦自多清絕。門外羣峰玉笋尖。

次韻陸僉憲元日喜晴

城裏夕陽城外雪。相將十里異陰晴。也知造物曾何意。
底是人心苦未平。栢府樓臺銜倒影。茆茨松竹瀉寒聲。
布衾莫謾愁僵卧。積素還多達曙明。

元夕木閣山火

荒村燈夕偶逢晴。野燒峰頭處處明。內苑但知鰲作嶺。九門空說火為城。天應為我開奇觀。地有茲山不世情。卻恐炎威被松栢。休教玉石遂同頽。

夜宿汪氏園

小閣藏身一斗方。夜深虛白自生光。梁閒來下徐生榻。座上慚無荀令香。驛樹雨聲翻屋瓦。龍池月色浸書牀。他年貴竹傳遺事。應說陽明舊草堂。

春行

冬盡西歸滿山雪。春初復來花滿山。白鷗亂浴清溪上。黃鳥雙飛綠樹間。物色變遷隨轉眼。人生豈得長朱顏。好將吾道從吾黨。歸把漁竿東海灣。

村南

花事紛紛春欲酣。杖藜隨步過村南。田翁開野教新犢。溪女分流浴種蠶。穉犬吠人依密槿。閒鳧照影立晴潭。偶逢江客傳鄉信。歸卧楓堂夢石龕。

山途二首

上山見日下山陰。陰欲開時日欲沈。晚景無多傷遠道。

朝陽莫更沮阻雲岑人歸暝市分漁火客舍空林依暮禽
世事驗來還自領領古人先已得吾心
南北驅馳任板輿謫鄉何地是安居家家細雨殘燈後
處處荒原野燒餘江樹欲迷遊子望朔雲長斷故人書
茂陵多病終蕭散何事相如賦子虛

白雲

白雲冉冉出晴峰客路無心處處逢已逐肩輿度青壁
還隨孤鶴下蒼松此身愧爾長多繫他日從龍謾託踪
斷鶩殘鴉飛欲盡故山回首意重重

答劉美之見寄次韻

休疑遷客迹全貧猶有沙鷗日見親勲業已辭滄海夢
煙花多負故園春百年長恐終無補萬里寧期尚得身
念我不勞傷鬢雪知君亦欲拂衣塵

寄徐掌教

徐穉今安在空梁楫久懸北門傾蓋日東魯校文年歲
月成超忽風雲易變遷新詩勞寄我不愧烏鳴篇

書庭蕉

簷前蕉葉綠成林長夏全無暑氣侵但得雨聲連夜靜

不妨月色半牀陰未別。新詩舊葉題將滿。老芟疎梧根恨共深。
莫笑鄭人談訟鹿。至今醒夢兩難尋。

送張憲長左遷滇南大叅次韻

世味知公最飽諳。百年清德亦何慚。栢臺藩省官非左。
江漢滇池道益南。絕域煙花憐我遠。今宵風月好誰談。
交遊若問居夷事。爲說山泉頗自堪。

南庵次韻二首

隔水樵漁亦幾家。緣岡石路入溪斜。松林晚映千峰雨。
楓葉秋連萬樹霞。漸覺形骸逃物外。未妨遊樂在天涯。

頻來不用勞僧榻已別。已借汀鷗一席沙。

斜日江波動客衣。水南深竹見巖扉。漁人收網舟初集。
野老忘機坐未歸。漸覺雲閒栖翼亂。愁看天北暮雲飛。
年年歲晚長爲客。閒殺西湖舊釣磯。

觀傀儡次韻

處處相逢是戲場。何須傀儡夜登堂。繁華過眼三更促。
名利牽人一線長。穉子自應爭詫說未別。矮人亦復浪悲傷。
本來面目還誰識。且向樽前學楚狂。

徐都憲同遊南庵次韻

巖寺藏春長不夏。江花映日艷於桃。山陰入戶川光暮。
林影浮空暑氣高。樹老豈能知歲月。溪清真可鑑秋毫。
但逢佳景須行樂。莫遣風霜著鬢毛。

卽席次王文濟少叅韻二首

搖落休教感客途。南來秋興未全孤。肝腸已自成金石。
齒髮從渠變柳蒲。傾倒酒懷金谷罰。逼真詞格輞川圖。
謫鄉莫道貧消骨。猶有新詩了舊逋。
此身未擬泣窮途。隨處翻飛野鶴孤。霜冷幾枝存晚菊。
溪春兩度見新蒲。荆西寇盜紆籌策。湘北流移入畫圖。

莫怪當筵倍淒切。誅求滿地促官逋。

贈劉侍御二首

蹇以反身。困以遂志。今日患難。正閣下受用處。
也。知之則處此當自別。病筆不能多及。然其餘
亦無足言者。聊次韻某頓首。劉侍御大人契長。
相送溪橋未隔年。相逢又過小春天。憂時敢負君臣義。
念別羞爲兒女憐。道自升沈寧有定。心存氣節不無偏。
知君已得虛舟意。隨處風波只宴然。

夜寒

全書卷十九 夕集一詩 五
簷際重陰覆夜寒。石爐松火坐更殘。窮荒正訝鄉書絕。
險路仍愁歸夢難。僊侶春風懷越嶠。釣船明月負嚴灘。
未因謫宦傷憔悴。客鬢還羞鏡裏看。

冬至

客牀無寐聽潛雷。珍重初陽夜半回。天地未嘗生意息。
冰霜不耐鬢毛催。春添袞綫誰能補。歲晚心丹自動灰。
料得重闈強健在。早看消息報牕梅。

春日花閒偶集示門生

閒來聊與二三子。單夾初成行暮春。改課講題非我事。

研幾悟道是何人。階前細草雨還碧。簷下小桃晴更新。
坐起咏歌俱實學。毫釐須遣認教真。

次韻送陸文順僉憲

貴陽東望楚山平。無奈天涯又送行。杯酒豫期傾蓋日。
封書煩慰倚門情。心馳魏闕星辰迥。路遶鄉山草木榮。
京國交游零落盡。空將秋月寄猿聲。

次韻陸僉憲病起見寄

一賦歸來不願餘。文園多病滯相如。籬邊竹筍青應滿。
洞口桃花紅自舒。荷蕢有心還擊磬。周公無夢欲刪書。

雲閒憲伯能相慰。尺素長題問謫居。

次韻胡少參見過

旋管小酌典春裘。佳客真慚竟日留。長怪嶺雲迷楚望。
忽聞吳語破鄉愁。鏡湖自昔堪歸老。杞國何人獨抱憂。
莫訝臨花倍惆悵。賞心原不在枝頭。

雪中桃次韻

雪裏桃花強自春。蕭疎終覺損精神。卻慚幽竹節逾勁。
始信寒梅骨自真。遭際本非甘冷淡。飄零須信委風塵。
從來此事還希闕。莫怪臨軒賞更新。

舟中除夕二首

扁舟除夕尚窮途。荆楚還憐俗未殊。處處送神懸楮馬。
家家迎歲換桃符。江醪信薄聊相慰。世路多岐謾自吁。
白髮頻年傷遠別。綵衣何日是庭趨。
遠客天涯又歲除。孤航隨處亦吾廬。也知世上風波滿。
還戀山中木石居。事業無心從齒髮。親交多難絕音書。
江湖未就新春計。夜半樵歌忽起予。

淑浦山夜泊

淑浦山邊泊。雲閒見驛樓。灘聲迴遠樹。崖影落中流。柳

正德五年庚先生卅九歲

放新年綠。人歸隔歲舟。客途時極目。天北暮陰愁。

過江門崖

三年謫宦沮蠻氛。天放扁舟下楚雲。歸信應先春鴈到。
閒心期與白鷗羣。晴溪欲轉新年色。蒼壁多遺古篆文。
此地從來山水勝。它時回首憶江門。

辰州虎溪龍興寺。聞楊名父將到。留韻壁閒。

杖藜一過虎溪頭。何處僧房是惠休。雲起峰頭沈閣影。
林疎地底見江流。煙花日煖猶含雨。鷗鷺春閒欲滿洲。
好景同來不同賞。詩篇還爲故人留。

武陵潮音閣懷元明

高閣憑虛臺十尋。捲簾疎雨動微吟。江天雲鳥自來去。
楚澤風煙無古今。山色漸疑衡嶽近。花源欲問武陵深。
新春尙沮東歸楫。落日誰堪話此心。

閣中坐雨

臺下春雲及寺門。懶夫睡起正開軒。煙蕪漲野平堤綠。
江雨隨風入夜喧。道意蕭疎慚歲月。歸心迢遞憶鄉園。
年來身迹如漂梗。自笑迂癡欲手援。

樓禪寺雨中與惟乾同登廿九別

雨霽僧堂鐘磬清。春溪月色特分明。沙邊宿鷺寒無影。
洞口流雲夜有聲。靜後始知羣動妄。閒來還覺道心驚。
問津久已慚沮溺。歸向東臬學耨耕。

僧齋

盡日僧齋不厭閒。獨餘春睡得相關。簷前水漲遂無地。
江外雲晴忽有山。遠客趁墟招渡急。舟人曬網得魚還。
也知世事終無補。亦復心存出處閒。

德山寺次壁間韻

乘興看山薄暮來。山僧迎客寺門開。雨昏碧草春申墓。

雲捲青峰善卷臺。性愛煙霞終是僻。詩留名姓不須猜。
巖根老衲成灰色。枯坐何年解結胎。

沅江晚泊二首

去時煙雨沅江暮。此日沅江暮雨歸。水漫遠沙村市改。
泊依舊店主人非。草深廨宇無官住。花落僧房有鳥啼。
處處春光蕭索甚。正思荆棘掩巖扉。
春來客思獨蕭騷。處處東田沒野蒿。雷雨滿江喧日夜。
扁舟經月住風濤。流民失業乘時橫。原獸爭羣薄暮號。
卻憶鹿門栖隱地。杖藜壺榼餉東臬。

夜泊江思湖憶元明
扁舟泊近漁家晚。茅屋深環柳港清。雷雨驟開江霧散。
星河不動暮川平。夢回客枕人千里。月上春隄夜四更。
欲寄愁心無過鴈。披衣坐聽野雞鳴。

睡起寫懷

江日熙熙春睡醒。江雲飛盡楚山青。閒觀物態皆生意。
靜悟天機入窅冥。道在險夷隨地樂。心忘魚鳥自流形。
未須更覓覓羲唐事。一曲滄浪擊壤聽。

三山晚眺

南望長沙杳靄中。鷺羊只在暮雲東。天高雙櫓哀明月。
江闊千帆舞逆風。花暗漸驚春事晚。水流應與客愁窮。
北飛亦有衡陽鴈。上苑封書未易通。

鷺羊山

福地相傳楚水阿。三年春色兩經過。羊亡但有初平石。
書罷惟籠道士鷺。禮斗壇空松影靜。步虛臺迥月明多。
巖房一宿猶緣薄。遙憶開雲住薜蘿。

泗洲寺

淶水西頭泗洲寺。經過轉眼又三年。老僧熟認直呼姓。

笑我清癯只似前。每有客來看宿處。詩留佛壁作燈傳。
開軒掃榻還相慰。慚愧維摩世外緣。

再經武雲觀書林玉璣道士壁

碧山道士曾相約。歸路還來宿武雲。月滿僊臺依鶴侶。
書留蒼壁看鷺羣。春巘多雨林芳淡。暗水穿花石溜分。
奔走連年家尚遠。空餘魂夢到柴門。

再過濂溪祠用前韻

曾向圖書識面真。半生長自愧儒巾。斯文久已無先覺。
聖世今應有逸民。一自支離乖學術。競將雕刻費精

神。瞻依多少高山意。水漫蓮池長綠蘋。

陽明先生外錄卷之二

王文成公全書卷之十九終

